



Progetto "EU FAÉDDHU GADDHURÉSU"
finanziatu da la L. 482/1999, artt. 9 e 15 e L.R. 22/2018 – annualitai 2021



Comuni di Lungòni

PRUÍNCIA DI SASSARI

Ditilminazioni di lu Responsabbili di lu Sittori

Sittori Vàldia e Prutizioni Zivili

RIGISTRU IN. 343 DI LU 01/03/2022

Rigistru di lu Sittori N. 5 di lu 01/03/2022

Nùmmaru Prupposta N.353

UGGHJETTU:

APPRUAZIONI BÀNDIU PAL LU SCIÓARU DI "GALDII ECOZOOFILI AMBIENTALI VOLUNTARI", IN CUNSENSU A LU CUNVÉNIU STIPULATU CUN L'ASSOCIAZIONI REGIONAL PRUTIZIONI ANIMALI NATURA AMBIENTI (A.R.P.A.N.A.) .

LU FUNZIUNÀRIU RESPONSABBILI DI LU SITTORI

Sittori Vàldia e Prutizioni Zivili

VISTU l'alt. 50 di lu D. Lgs. 18.08.2000 N° 267 (Uldinamentu Nòu di l'Enti Locali);

VISTU l'alt. 30 di lu Regulamentu innant'a l'uldinamentu di l'uffici e di li silvizi ;

VISTI l'altt. 107, 109, e 177 di lu zitatu D. Lgs 267/2000, relativi a li funzioni attribuiti a li responsabbili di l'uffici e di li Silvizi ;

VISTU lu Decretu Sindacali n. 39 in data 30/12/2021, cun lu cali lu sottuscrittu è statu numinatu responsabbili di lu sittori vàldia;

VISTU lu Statutu Comunali e li regolamenti comunali di cuntaduria e di li cuntratti in vigori;

VISTA la dilibbarazioni di lu Cunsiddhu Comunali n.7 in data 21/02/2022, cun la cali è stata appruatu lu bilànciu di priisioni finanziàriu 2022-2024;

RICHJAMATA la Dilibbarazioni di la G.C. n. 109 di lu 11.08.2021 , pal mezu di la cali è statu attivatu un silvìziu di tutela ambientali di lu tarratòriu e di la fàuna locali, pal meu di cunvéniu cun l'associazioni A.R.P.A.N.A. "Associazioni Regional Prutizioni Animali Natura Ambienti", lugalmenti ricunnotta e iscritta a lu n. 1101 di lu registru generali di lu Volontariàtu comu a l'alt. 5 di la L.R. n. 39 di lu 13/09/1993, pal lu sittori ambienti - Sizioni Prurizioni Zivili – di a R.A.S. ;

CUNSIDARATU chi pal cantu stabilitu illu cunvéniu sottuscrittu cun A.R.P.A.N.A., li compiti operativi soò posti in capu a lu passunali voluntàriu di la mattessi associazioni, chi assumi la cualifica di "Gàldia ecozozofila ambientali"

PRESU ATTU chi la galitai di "Gàldia ecozozofila ambientali" pó esse cunsiguta solu dapoi di aé separatu un corso di cualificazioni professionali, pal mezu di un aggalatu palcossu fulmativu;

CUNSIDARATU chi li galdi ecozozofili ambientali opararani a "Títolo dibbata", cun programmi operativi

cunculdiati tra l'amministrazioni e A.R.P.A.N.A. e culdinati da chistu sittori di Polizzia Locali”;

RITINUTU paltantu oppoltunu, innantu a scolta di lu pridittu convéniu avvalessi di l'agghjutu di li volontari di l'Associazioni A.R.P.A.N.A, chi trabaddharani insempi a la Polizzia Locali e cun l'ufficiu ambienti;

CUNSIDARATU chi la legghji di la dí 11 di austu di lu 1991, n. 266 “Legghji-cuadru innantu a lu voluntariatu” ricunnosci lu ‘alori sociali e la funzioni di l’attivitai di voluntariatu comu espressioni di palticipazioni, ghjinirositai e pluralismu, prummuendini lu sviluppu ill’autonòmia e faurendini l’appoltu originali pal lu cunsighimentu di li finalitai di caratteri sociali, zivili e culturali inghjittati da lu Statu e da l’Enti pùbbrichi;

VISTA la L.R. di la dí 13 di capidannu di lu 1993, n. 39 cun ugghjettu “Disciplina di l’attivitai di voluntariatu e mudifichi a li legghji regionali di la dí 25 di ghjinnagghju di lu 1988, n. 4, e di la dí 17 di ghjinnagghju di lu 1989, n. 3”, chi ricunnosci, ill’attivitai di voluntariatu, una manifestazioni di lu princípiu di ghjinirositai sociali, tutelendi li relativi olganizzazioni, faurendini lu so’ cuncursu a lu cunsighimentu di li finalitai di caratteri sociali, zivili, e culturali inghjittati da li legghji regionali;

RITINUTU chi a lu fini di pissighí li subbra ditti obiettivi, sia nizissàriu invità tutti li zittadini a una palticipazioni attiva, dummandendi di esse posti ill’albu di “Galdi ecozofili ambientali volontari”;

RITinutu di dué approuà un avvisu pùbblicu pal lu scióaru di Galdi ecozoofili volontari;

RITINUTU ancora di pruvvidé in cunfulmitai;

DITILMINIGGHJA

Di approuà, pal li muttii ditti in primissa narrativa chi si richjamani, l’alligatu bándiu pùbbricu pal lu scióaru di galdi ecozoofili ambientali volontari.

Di pubblicà lu subbra dittu bándiu illu sito di lu Comuni.

Di fissà la data di scadènzia pal la prisintazioni di li dummandi, entru mezudí di la dí 18 di malzu di lu 2022.

Lu responsabbili

fioredda salvatore / ArubaPEC S.p.A.